

**O‘zbekiston Respublikasi Madaniyat vazirligi Korrupsiyaga qarshi
kurashish xizmati tomonidan 2024-yilning I choragida amalga
oshirilgan ishlar bo‘yicha
H I S O B O T**

Mamlakatimizda korrupsiyaga qarshi kurashish sohasida muhim tashkiliy-huquqiy islohotlar amalga oshirilmoqda. Aholining huquqiy ongi va madaniyatini yuksaltirishga, jamiyatda korrupsiyaga qarshi murossasiz munosabatni shakllantirishga qaratilgan tizimli chora-tadbirlar ko‘rilmoqda.

Zero, Prezidentimiz Sh.M.Mirziyoyev “Jamiyatimizda korrupsiya, turli jinoyatlarni sodir etish va boshqa huquqbuzarlik holatlariga qarshi kurashish, ularga yo‘l qo‘ymaslik, jinoyatga jazo, albatta, muqarrar ekani to‘g‘risidagi qonun talablarini amalda ta‘minlash bo‘yicha qat‘iy choralar ko‘rishimiz zarur” deya alohida ta‘kidlaganlar.

O‘zbekiston Respublikasi Madaniyat vazirligi Korrupsiyaga qarshi kurashish xizmati 2024-yil I choragidagi faoliyatini vazirning 2023-yil 28-dekabrda “Madaniyat vazirligi Korrupsiyaga qarshi kurashish xizmati tomonidan vazirlik hududiy tarkibiy bo‘linmalari hamda tizim tashkilotlarida korrupsiyaga qarshi kurashish bo‘yicha amalga oshirilgan ishlar samaradorligi yuzasidan 2024-yilda o‘tkaziladigan o‘rganishlar rejasi” asosida olib bordi.

Sohada korrupsiyaga oid huquqbuzarliklar sodir etilishining oldini olish va korrupsiyaviy xavf-xatarlarni minimallashtirish maqsadida vazirning 2023-yil 29-sentabrdagi 130-son buyrug‘i bilan O‘zbekiston Respublikasi Madaniyat vazirligining Korrupsiyaga qarshi kurashish bo‘yicha siyosati qabul qilingan.

2023-yil yakunlari bo‘yicha vazirlik markaziy apparati va vazirlik tasarrufidagi barcha tizim tashkilotlari xodimlaridan manfaatlar to‘qnashuvi mavjudligi yoki mavjud emasligi bo‘yicha yillik deklaratsiyalar olindi.

2024-yil I choragi davomida O‘zbekiston davlat san‘at va madaniyat instituti huzuridagi Pedagog kadrlarni qayta tayyorlash va ularning malakasini oshirish tarmoq markazi bilan hamkorlikda Madaniyat vazirligi tasarrufidagi madaniyat boshqarmalari boshliqlari, ixtisoslashtirilgan san‘at maktablari direktorlari, madaniyat boshqarmalari bosh hisobchilari, Inson resurslarini boshqarish va rivojlantirish bo‘limi xodimlari uchun 5 ta guruhda 93 nafar tinglovchiga 12 soatlik o‘quv soatlari tashkil etildi. Ularda korrupsiyaga qarshi kurashishga oid davlat siyosatining asosiy yo‘nalishlari, madaniyat sohasiga daxldor farmonlar va qarorlar, bu borada mamlakatimizda olib borilayotgan islohotlarning mazmun-mohiyatini keng tushuntirish, moliyaviy savodxonlikni oshirishga alohida e‘tibor qaratildi.

Joriy yilning birinchi choragi davomida vazirlikning tegishli buyruqlari asosida “O‘zbekkonsert” davlat muassasasi, uning Toshkent shahar va

Toshkent viloyati hududiy bo'limlari, "O'zbekiston davlat filarmoniyasi" davlat muassasasi va uning Toshkent viloyati hududiy bo'linmasida korrupsiyaga qarshi kurashish ishlar samaradorligi yuzasidan o'rganish o'tkazildi.

O'rganish natijalari bo'yicha "O'zbekkonsert" davlat muassasasi, Toshkent shahar va Toshkent viloyati bo'limi xodimlari, "O'zbekiston davlat filarmoniyasi" davlat muassasasi va uning Toshkent viloyati hududiy bo'linmasi bilan bevosita hamda ZOOM platformasi orqali Qoraqalpog'iston Respublikasi va viloyatlar bo'limlari xodimlari ishtirokida yig'ilishlar o'tkazildi.

Bundan tashqari, Korrupsiyaga qarshi kurashish xizmati va tegishli mutaxassislar ishtirokida davlat xaridlari yuzasidan Oqoltin tumani madaniyat bo'limi, Urganch ixtisoslashtirilgan maqom san'ati maktab-internati va Qo'qon shahar 7-son bolalar musiqa va san'at maktabida 3 ta xizmat tekshiruvini o'tkazildi hamda o'rganish yakunlariga asosan O'zbekiston Respublikasi Mehnat kodeksining tegishli moddalariga muvofiq 6 nafar mutasaddi xodimga qonunchilikda belgilangan tartibda ta'sir choralari qo'llanildi.

Mazkur holat yuzasidan O'zbekiston Respublikasi Madaniyat vazirligi tasarrufidagi tizim tashkilotlariga davlat xaridlarini amalga oshirishda O'zbekiston Respublikasi "Davlat xaridlari to'g'risida"gi Qonuni va boshqa me'yoriy hujjatlar talablariga rioya etilishini qattiq nazoratga olish, davlat xaridlarini amalga oshirishda va boshqa moliyaviy faoliyat davomida tegishli qonun hujjatlariga rioya etmasdan, manfaatlar to'qnashuviga va korrupsion xatti-harakatlarga yo'l qo'ygan xodimlar qonunchilikda belgilangan tartibda jazoga tortilishi haqida vazirlikning 2024-yil 26-martdagi 04-11-28-899-son ko'rsatmasi yuborildi.

Ma'lumki, O'zbekiston Respublikasi Prezidentining "Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to'g'risida" 2022-yil 12-yanvardagi PQ-81-son qarori qabul qilingan.

Ushbu qarorga muvofiq, korrupsiyaga qarshi kurashish ishlari samaradorligini reyting baholash quyidagi beshta yo'nalish bo'yicha belgilangan indikatorlar asosida amalga oshirilishi belgilangan:

davlat tashkilotlarida korrupsiyaga qarshi kurashish bo'yicha mexanizm va huquqiy asoslarning yaratilganligi hamda amaliyotga tatbiq etilganligi;

korrupsiyaviy xavf-xatarlarni aniqlash, baholash va ularni kamaytirish bo'yicha chora-tadbirlarning amalga oshirilganligi;

davlat tashkilotlari rahbarlarining korrupsiyaga qarshi murossasiz munosabatni ko'rsatuvchi xatti-harakatlarining mavjudligi;

xodimlarning korrupsiyaga qarshi kurashishga oid ichki tartib-taomillardan xabardorligi hamda ushbu sohada bilim va ko'nikmalarini oshirish bo'yicha chora-tadbirlarning amalga oshirilganligi;

korrupsiyaga qarshi kurashish bo'yicha tegishli soha yoki tarmoq kesimida aholining huquqiy ongi va huquqiy madaniyatini yuksaltirish, ushbu illatga nisbatan murosasiz munosabatni shakllantirishga qaratilgan targ'ibot tadbirlarining samaradorligi.

Mazkur qaror ijrosi yuzasidan korrupsiyaga qarshi kurashish ishlarining samaradorligini reyting baholash natijalariga ko'ra Madaniyat vazirligi faoliyati 65 ball bilan "**qoniqarli**" deb topildi.

Joriy yilning I choragi davomida jismoniy va yuridik shaxs vakillari tomonidan Madaniyat vazirligiga korrupsiyaga oid jami 5 ta murojaat kelib tushdi. Ushbu murojaatlarning 4 tasi pochta, 1 tasi O'zbekiston Respublikasi Prezidentining Virtual qabulxonasi orqali kelib tushdi. Barcha murojaatlar tegishli mutaxassislar ishtirokida o'rganib chiqilib, murojaat egalariga javob xatlari yuborildi.

Madaniyat vazirligida tashkil etilgan korrupsiya haqida xabar berishga mo'ljallangan aloqa kanallari orqali 2024-yilning I choragi davomida korrupsiyaga oid xabarlar kelib tushmadi.

2024-yil 27-mart kuni O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalari agentligida O'zbekiston Respublikasi Madaniyat vazirligi Korrupsiyaga qarshi kurashish xizmati tomonidan joriy yil birinchi choragi davomida amalga oshirilgan ishlar yuzasidan brifing tashkil etildi. Brifing "O'zbekiston 24" telekanali va ijtimoiy tarmoqlarda jonli efirda namoyish qilindi.

O'zbekiston Respublikasi Madaniyat vazirligi
Korrupsiyaga qarshi kurashish xizmati